

光緒重修安徽通志

重修安徽通志卷二百四

人物志

忠節三

徽州府

陳程文季字少卿新安人重安縣公靈洗之子也幼習騎射多  
幹略從靈洗征討必先登陷陣累遷爲貞毅將軍新安太守討  
畱異降向文政平陳寶應所向克捷靈洗卒文季盡領其眾性  
至孝雖軍旅奪禮而毀瘠甚至襲封重安縣公太建五年吳明  
徹北討至秦郡文季領驍勇拔開其柵克之又拔涇州下盱眙  
圍壽陽凡置陣役人必身先之軍中服其勤幹齊人深憚之謂  
爲程虎以功遷北徐州刺史後隨吳明徹北侵軍敗爲周所囚  
逃歸至渦陽爲邊吏所執還送長安死於獄中後主知之贈散

騎常侍以子贊襲封

陳書本傳

唐吳九郎休甯人黃巢寇至舉義兵保障鄉井與賊戰不利馬上自刎奔逐半里身方墜地死

一統志

宋凌唐佐字公弼休甯人元符三年進士建炎初提點京畿刑獄加直祕閣知南京南京陷劉豫因使爲守唐佐與宋汝爲密疏其虛實遣人持蠟書告於朝呂頤浩過常州得唐佐從孫憲授保義郎開門祇候俾持書遺之憲至睢陽事洩豫捕唐佐并其家憲脫歸唐佐見豫責以大義豫怒斬唐佐境上李橫復頴昌言於朝詔贈徽猷閣待制

宋史本傳

曹夬黟縣人崇甯二年進士任本州通判方臘之亂死其官

江南通志

通志

曹文黟縣人登崇甯五年第任睦州建德丞方臘之亂死其官

詔進秩三等與三子恩澤

縣志

盧臣忠字仲信黟縣人政和二年登第歷官右正言扈駕至建康金使有迫近御舟者臣忠叱退之失足墜水中數日帝使沒者拯之得其尸拱立如生贈右諫議大夫官其二子

宋史高宗紀萬姓

統譜

程全字禹昌休甯人宣和末方臘盜起縣令翁由棄印去全起義兵遮道請畱賊平授修武郎靖康初從宗澤破金人於衛州苗劉之亂從劉光世勤王授開州團練使忤建康畱守杜充會金人入寇充督之出戰眾寡不敵死贈協中大夫

萬姓統譜

朱弁字少章婺源人建炎初議遣使問安兩宮弁奮身自獻詔補修武郎爲通問副使至金守之以兵弁以書與言利害甚悉不聽紹興二年忽遣宇文虛中來言和議可成欲弁與正使王

倫探策決去畱弁曰吾來自分必死豈應覲倖先歸倫將歸弁請曰今之印古之節也願畱印使弁得抱以死倫解與之弁懷之臥起金人迫之仕劉豫弁曰豫國賊吾恨不食其肉肯仕之耶金絕其餼遺以困之弁忍饑待盡金亦感動復禮如初十三年和議成弁歸入見便殿賜金帛甚厚有司校其考十七年應遷數官秦檜惡其言敵情僅轉奉議郎

宋史本傳

王觀國字賓老祁門人紹興十八年進士授陝州宜興縣尉值賊起不屈被害事聞贈官一等授其子伯熊贛州安遠縣丞

通志

詹世勛婺源人父光國以拒方臘死於戰世勛以紹興三十年薦爲舒城縣民兵正將弟世勣副之世勦募得六百二十人教之戰陣與其甘苦謂之義士會散去安家而金兵數千突至義

士在者惟六十人世勛卽率之接戰大敗金人於栲栳原明日  
悉眾復來呼世勛降世勛厲聲曰我大宋義士豈降爾耶金人  
攢射之中數箭死

萬姓統譜

程光庭字朝望休甯人嘉定戊辰進士調羅山尉金人犯境光  
庭出戰每克金人窺斬黃趙方辟爲節制三關步軍策應歿於

王事贈朝奉郎

江南通志

許月卿字太空後字宋士婺源人祖琳輕財好施朝旌其閭父  
大甯有學行月卿登淳祐四年第時徐光杰力攻史嵩之史陰  
酖之月卿率三學諸生伏闕訟冤又數上書斥丁買奸邪出佐  
江西漕宋亡衰經終身謝疊山嘗書其門曰要看今日謝枋得  
卽是當年許月卿

一統志

程洙休甯人淳祐十年進士授貴池縣主簿調上元縣撫字盡

誠及代民請畱不得發元兵入建康百官投牒降附洙仰天歎曰吾受宋官二十餘年忍移所守以偷生乎自縊死子徹能世

其學

一統志江蘇名臣萬姓統譜

胡廷桂字伯詵婺源人咸淳七年進士授平樂尉饒守唐震知其才辟居簽幕德祐元年元兵臨城與震協謀捍禦城陷同死之

萬姓統譜

夏師堯字達德休甯人咸淳十年進士授諫議郎以忤權奸被謫後爲翰林學士承旨扈從航海元兵襲崖州死之

江南通志

江友直字德正婺源人父資深以明經爲歙教諭遂居歙友直

以薦爲本州教授巴延入臨安友直升堂慟哭不食死葬梅口

人呼其墓爲餓殺冢

江南通志

程楚翁婺源人元兵入臨安江東皆下楚翁結死士謀復郡城

事泄被執脫去投馬廷鸞謝枋得在閩遂往從之及枋得被執

北去無所依死逆旅中

萬姓統譜

汪維崇字賢甫歙縣人福王與芮聞其賢妻以女授承節郎及

宋亡語其弟維岳曰我受宋恩國亡不死何以見祖宗於地下

遂不食死

江南通志

項文薦婺源人咸淳進士宋亡殉節元諡曰烈

婺源縣志新脩

元汪澤民字叔志婺源人寓居宣州延祐五年進士授承事郎

歷官奉議大夫知兗州所至稱神明至正三年除國子司業預

修三史書成遷集賢直學士未兩月告歸以禮部尙書致仕十

五年長鎗軍瑣南班等犯宣州或勸之去澤民曰我雖無官守

受國厚恩臨危愛死非臣子節凡籌畫戰守多出其策累敗賊

兵明年賊來益眾城陷不屈遂遇害時年七十追封譙郡公諡



文節

元史類編

程兼善休甯人。斬黃賊陷郡城。兼善與郡人孫普哲起義得政。死士數百人。直抵城下。眾寡不敵。力戰死焉。鄭玉爲作義民錄。

徽州府志

鄭玉字子美歙縣人。覃思六經。尤邃於春秋。受業者眾。至不能

容。卽所居構師山書院處焉。至正十四年。除翰林待制。辭不出。

十七年。明兵入徽州。守將要之出降。玉曰。我豈事二姓者哉。具

衣冠北面再拜自縊。死。鄉人卽其師山書院改廟祀焉。

元史類編

吳訥字克敏休甯人。少學兵法。習騎射。至正末。斬黃盜起。鄭玉

薦其才。授建德路判官。明兵臨郡。隨元帥阿魯輝退屯浙西。札

溪源巡邏至界首白際嶺。戰敗。引刀自刎。年僅二十七。

元史類編

江曰新歙縣人。斬黃盜起。陷郡。日新與其弟起義兵相持。兼旬。

寇來益眾兄弟皆戰死

元史類編

程擇字義夫婺源人舉充集慶路訓導與族兄復心注釋周禮進於朝授武昌路學正借充元帥府統軍掾史領軍討道州叛獠俘馘甚眾升教授壬辰紅巾賊亂起義兵固守救兵不至城陷死之子四人尙忠守禦香山砦歿於賊尙文亦遇害尙質尙彬得逸去不知所終

元史類編徽州府志

王壩字仲肅婺源人以薦歷任台州府判官明兵下台州壩死

之

徽州府志

程鵬翼字九萬婺源人官袁州路知事至正末兵起城陷不屈

舉室遇害

徽州府志

王銑字伯恂婺源人至正四年中浙江省試授瑞安州學正以父喪歸乙未冬江黃寇再陷婺源院判哈迷駐德興召謀恢復

爲寇所覺害之人表其墓爲王節士云

徽州府志

俞士英休甯人斬黃賊陷婺源士英率子姪結鄉曲屯於馬金嶺以保鄉里賊至與戰大捷明日賊大至眾寡不敵力戰死甯

縣志

黃元承字子原婺源人以蔭爲於潛主簿遷丹陽尹遇賊不屈

死

萬姓統譜

明程國勝初名元佐休甯人元末結義兵保鄉里明太祖兵下徽州賜今名敗楊完者累功至萬戶守南昌與牛海龍夜劫陳友諒營泗水得脫太祖征友諒戰鄱陽張定邊直前犯太祖舟國勝與韓成陳兆先駕舸左右奮擊太祖舟脫國勝等繞出敵艦後援絕力戰死而南昌城中謂國勝已前死故豫章康郎山兩廟俱得預祀追封安定郡侯諡忠愍

一統志  
明史  
趙德勝傳

王清字溪安休甯人太祖戰鄱陽清詐降友諒爲內應舉火中外夾攻火中猶作戰鬪狀遂焚死贈盱眙子肖像康郎山廟

明史功臣表

江南通志

按江南通志作汪清考明史祀康郎山者三十六人有王清無汪清功臣表亦作王清

程顯祖祁門人從明太祖討陳友諒戰死鄱陽湖贈正千戶同邑謝進爲督運長亦戰死於鄱陽

祁門縣志

王用黥縣人從明太祖討陳友諒司旗鼓鄱陽之戰友諒兵取其首去猶植立援枹鼓聲甚疾太祖曰天下有此壯士贈千戶蔭其子琬授千戶世襲

黥縣志

程通字彥亨績溪人祖平坐法遣戍延安父以誠冒瘴死嶺表通徒跣舁父柩歸廬墓三年上書乞赦還其祖詞甚哀切太祖

憐而許之通舉應天鄉試授遼府紀善燕師起從王泛海歸京  
師上封事數千言陳備禦策進左長史永樂初從王徙荊州有  
言其前上封事多指斥者械至死於獄并逮其友徽州知府績  
溪黃希范論死籍其家

明史本傳

國朝乾隆四十一年並

賜諡節愍

勝朝殉節諸臣錄

黃彥清歙縣人建文時官國子博士以名節自勵永樂初坐在  
梅殷軍中私諡建文帝誅死福王時贈光祿少卿

一統志明史程通傳

國朝乾隆四十一年

賜諡節愍

勝朝殉節諸臣錄

鄭居貞徽州人

明史云閩人

洪武中舉明經授鞏昌通判升禮部郎  
中文行為時所重歷進河南參政永樂初坐方孝孺黨論死初

孝孺教授漢中居貞嘗作鳳雛行贈之且其以忠信相砥勉死

之日從容赴市無一言及私

一統志明史方孝孺傳

國朝乾隆四十一年

賜諡節愍

勝朝殉節諸臣錄

洪宏祖歙縣人爲郡守陳彥回所重靖難兵起宏祖白守勤王

永樂初收彥回宏祖投水死

歙縣志

程思溫字叔玉婺源人正統丙辰進士授中書舍人升禮部員

外郎以清慎著聞己巳扈英宗北征死土木之難景泰癸酉追

贈光祿少卿錄一子太學

一統志明史王佐傳

汪中和休甯人父享自貴州軍籍還老不能行中和往代都勻

苗寇起所居堡僅百人欲奔中和按劍叱之曰國家養我輩何

用堅守不動賊入且戰且冒遂遇害時正統十四年七月也

休甯

縣志

莊英字志彥歙縣人成化辛卯舉人除夏邑教諭升廣昌知縣  
閩寇竊發挺身赴捍遂爲所害贈建昌府通判錄其子潤太學

徽州府志

劉輔新安衛指揮使宸濠叛領軍禦之左臂爲賊所斷猶揮刃  
殺一人而死與輔同死者張璽字國用新安衛指揮僉事事聞  
遣官諭祭璽嘗刲股療母疾

徽州府志

賀鐸字子振新安衛右所正千戶從譚綸擊倭海上又隨之入  
閩身敢深入以功升守備南韶流賊馬五作亂鐸討之斬賊二  
百方作鼃炊食賊忽悉來兵潰鐸曰今日乃吾死所直前挺戰  
而死詔世襲指揮同知敕所在立廟祀之

徽州府志

王應禎祁門人嘉靖中以征倭功授通州百戶升新安衛指揮

僉事流賊犯婺源應禎往擊直衝賊營賊眾披靡乃合圍之以  
援絕力戰而死詔蔭其子時武舉王欽被執不屈極口罵賊支  
解死一統志

何子實休甯人姓朱傭於何遂從其姓倭入寇子實以材官從  
破倭身質海上計取徐海補本衛百戶流寇犯婺源子實從征  
被重傷死詔蔭其子爲總旗官徽州府志

汪一中字正叔歙縣人嘉靖甲辰進士由開封推官歷江西副  
使鄰境賊入寇薄泰和一中方譙投箸起曰此豈飲酒時乎當  
路遂以討賊屬之先是泰和巡檢劉芳力戰死一中至率諸將  
吏祭之曰爾職抱關猶死疆事吾待罪方面不滅賊何以生爲  
遂誓師列陣俘斬五人明日賊大至左右軍先潰賊悉赴中軍  
中軍亦潰一中躍馬當賊鋒射殺二人手刃一人而左脅中鎗



二臂中刃三遂戰死贈光祿寺卿給祭葬諡忠愍

明史本傳

程箕字斗南績溪人以歲貢授福安教諭嘉靖間倭寇陷城或謂君非守土宜避去箕曰義有死耳何避為遂遇害弟子從死者二十二人監司上其狀詔褒恤之

一統志

凌子儉字仲廣歙縣人萬曆戊子舉人歷戶部郎升雲南曲靖知府道經貴州值安酋之變督撫畱為監軍子儉畫策防禦團久糧絕日食米僅半勺至煮革以食子儉乃書壁曰一瞑萬世弗視九死百折不回遂歿

江南通志

詹兆鵬婺源人官應撫新標營守備崇禎十年禦賊宿松衝鋒陷陣罵賊觸石死

明史陳于王傳

國朝乾隆四十一年

賜諡烈愍

勝朝殉節諸臣錄

汪翥歙縣人官副總兵崇禎十五年帥兵援松山之圍

大兵破松山被執不屈死之

明史懷宗紀

國朝乾隆四十一年

賜諡節愍

勝朝殉節諸臣錄

吳賜玉字輯五歙縣人戶部尙書中明孫也以蔭授江西南康

府判賊寇南康賜玉往剿賊圍之數日從騎皆沒猶苦戰殺數

賊而死詔贈按察司僉事廕一子祀名宦

江南通志徽州府志

國朝乾隆四十一年

賜諡烈愍

勝朝殉節諸臣錄

方國儒字道醵歙縣人少孤事母至孝天啟辛酉領鄉薦知保

康縣賊張獻忠寇境國儒力戰七晝夜賊始退踰月復擁眾十

餘萬自房山來攻外援盡絕被執罵賊中七刃死

明史本傳

國朝乾隆四十一年

賜諡烈愍

勝朝殉節諸臣錄

康正諫字秦木祁門舉人任和州學正崇禎八年賊獻忠陷城

正諫赴泮池死妻汪氏子婦章氏同赴井死贈國子監丞

一統志

明史黎宏業傳

國朝乾隆四十一年

賜祀忠義祠

勝朝殉節諸臣錄

汪偉字叔度休甯人崇禎初進士知慈溪縣政績大著擢翰林檢討充東宮講官賊陷承天荆襄偉以畱都根本可慮上江防綢繆疏上嘉納之爲特設九江總督及賊犯都城守兵乏餉偉出資市餅餌充食城陷偉語繼室耿善撫幼子耿曰我獨不能死乎先投繯死偉欣然貽子觀書勉以忠孝乃自經

明史本傳

世祖章皇帝賜諡文毅一統志

汪文熙黟縣人以掾史授武昌府經歷廉能有才多著政績崇

禎十六年張獻忠陷武昌文熙被執罵賊不屈死之明史徐學

志

國朝乾隆四十一年

賜祀忠義祠勝朝殉節諸臣錄

金聲字正希休甯人崇禎元年進士授庶吉士

大兵偪郛城聲慷慨乞面陳急務召對平臺嘉納之改御史屢疏

言國家事不用遂乞歸八年起山東僉事兩疏力辭鄉郡多盜

聲團練義勇爲捍禦十六年冬廷臣交薦卽命召用促入都陞

見未赴京師陷福王擢聲左僉都御史堅不起南京城破列郡

望風迎降聲糾集義勇保績溪黃山分兵扼六嶺唐王遙投聲

右都御史兼兵部右侍郎總督諸道軍復旌德甯國諸縣

大兵襲破之聲被執不屈死唐王贈聲禮部尚書諡文毅明史本傳

國朝乾隆四十一年

賜諡忠節勝朝殉節諸臣錄

江天一字文石歙縣諸生金聲弟子也父士潤宦楚以獻賊之亂沈江死天一孤貧力學慷慨自許乙酉佐聲起兵固守聲被執語天一日子有老母不可死對曰天一同公起兵可不同公

殉義乎遂拜辭母與偕死明史金聲傳

國朝乾隆四十一年

賜諡節愍勝朝殉節諸臣錄

鄧為虹字天玉歙縣人儀徵籍崇禎癸未進士除浦城知縣唐王知其廉召為御史部民相率請畱有十不可去之說乃令以

御史巡視仙霞關尋令巡撫上游四府兼領關務鄭芝龍懷異志撤守關兵

大兵長驅直入爲虹回浦城縱士民出走獨守空城被執不降死從死者有僕陳龍

明史本傳

國朝乾隆四十一年

賜諡忠烈

勝朝殉節諸臣錄

洪祖烈字定遠休甯人吳江籍以武進士歷官副總兵與鄭爲虹同守仙霞關

大兵入關從唐王走浦城被執不屈死

福建通志

國朝乾隆四十一年

賜諡節愍

勝朝殉節諸臣錄

吳霖歛縣人官桂王兵科給事中以阻孫可望封秦王爲可望

所殺明史嚴起恆傳

國朝乾隆四十一年

賜諡烈愍勝朝殉節諸臣錄

鄭允元歙縣人爲桂王中軍都督府左都督奉命圖去孫可望  
事洩爲可望所殺明史吳貞毓傳

國朝乾隆四十一年

賜諡烈愍勝朝殉節諸臣錄

吳開先歙縣人遊澤州崇禎五年流賊躡山西監司王肇生知  
開先勇略署爲將官甯夏副總兵使擊賊賊敗去從沁水轉掠  
陽城開先渡沁戰擊斬數百人礮盡無援戰死明史張先奎傳

國朝乾隆四十一年

賜諡烈愍勝朝殉節諸臣錄

程龍欽縣人官鎮江永生洲副將崇禎十年在宿松鄧家店擊

賊夜設伏斬賊六十七級明日賊七營並至力戰不支引火自

焚死明史陳于王傳

國朝乾隆四十一年

賜謚烈愍勝朝殉節諸臣錄

張開祚字翼萬婺源人以武舉授溫州守備與同官辨盜誣破

構落職後起為肇慶府遊擊崇禎開楚寇劉新宇攻韶州開祚

越境迎敵斬俘數百次日窮追遇伏歿於陣贈左府都督同知

蔭一子基忠湖廣通志

國朝乾隆四十一年

賜謚烈愍勝朝殉節諸臣錄

汪暉歙縣人官桂王光祿寺少卿桂林破投水死明史聖式紀傳



國朝乾隆四十一年

賜諡節愍勝朝殉節諸臣錄

胡承熙歙縣人爲均州知州有能聲遷刑部員外郎未行賊至被執不屈死子爾英殉明史陳美傳

國朝乾隆四十一年

賜諡節愍勝朝殉節諸臣錄

游大勳婺源人官廣西府通判普名聲叛與郡人趙定周等往

禦死之雲南通志

國朝乾隆四十一年

賜諡節愍勝朝殉節諸臣錄

江朝瀛歙縣人官新野主簿崇禎十四年闖賊破城罵賊死南河志

通志

鄭元勳歙縣進士福王時高傑攻揚州元勳責以大義城獲全

後為亂兵所殺歙縣志

吳可箕休甯人歙縣志作遊南雍南都破乃製白衣題詩於襟

自縊於雞鳴山英靈坊明史高俸傳

馬嘉字六禮祁門人明季舉人甲申聞都城陷整衣賦詩北面

再拜自縊死一統志

國朝乾隆四十一年

賜祀忠義祠勝朝殉節諸臣錄

凌駟歙縣人崇禎癸未進士以職方從李建泰出拒闖賊至保

定駟獨與賊戰被鎗既死復蘇乃走臨清建義於齊豫間

大兵薄鄆城駟以死守勢不可支乃自縊姪潤生亦同死江南通志

州府志

程家軾字仲淵歙縣人崇禎己卯舉人知長子縣值寇薄城挺

身出諭爲所殺

徽州府志

方國煥字孔文歙縣人嘗著定命論時化說尙友解諸書聞明

亡刺血題詩自經死

徽州府志

吳國楨字希岳休甯人楚撫唐暉用其策剿流寇有功後同江

天一江孟卿余元英程有功陳繼遇從金聲死

徽州府志

汪志稷字朱齋婺源人崇禎壬午舉人明亡走閩授兵部主事

募兵江西陣沒同時諸生曹義榜汪邦耀亦被執不屈死

徽州府志

邵偉字無奇休甯人以武科授畱都把總平白蓮賊調南贛行

都指揮事山寇偏境偉手刃其魁九人次日會戰深入援絕被

執不屈死

徽州府志

程士賢字師友歙縣人崇禎己卯以薦知唐縣寇薄城下孤城

寡援死之

徽州府志

吳聞禮字去非休甯人錢塘籍崇禎癸未進士明亡與金聲同起兵十月徽州破聞禮走閩投右副都御史同守仙霞關爲叛者所殺

徽州府志

汪國偉歙縣人汪翥姪也叢山破與翥同執不屈死

歙縣志

曹應鸞歙縣人官上林苑丞深州被圍鸞家城中與州守孫士美分城而守城陷孫自刎鸞亦不屈死妻景氏子培族子煥毓善光前景氏之弟重英重煥及鸞友洪日章程濟美奴僕四十餘人皆焚死

歙縣志

程元將歙縣人客柘皋寇至擁至堂上款之不屈罵賊自刎而死

歙縣志

胡雲龍黟縣諸生以直道得罪司教被黜崇禎末年江以南山

賊竊據郡邑雲龍奮臂一呼所至響應一日復石埭青陽二城遂以攻池郡爲賊所陷義不屈斷舌斮膝而死

縣志

曹元功婺源人以拔貢官興山知縣闖賊陷城力戰被執不屈

死

婺源縣志

王竣源婺源人以副貢官石城知縣闖賊陷城一家二十七口

皆殉節死

婺源縣志

汪公陶戴嚴威皆休甯人明季練義勇數十人捍禦鄉里賊至敗之追逐至浙嶺虹瑞關賊應至威力戰死陶負重傷歸家五

日死

休甯縣志

汪一清字若水歙縣人明季土賊曹和機數千人肆行劫掠官軍進剿不勝一清集鄉兵與戰於雄溪橋斬其渠葉千斤賊驚退追殺遇伏中流矢死其子弟以木石斷賊要路更合官軍追

剿賊不得逖所殺殆盡居民安堵爲立報功祠於龍溪欽縣志  
許文瑾字在于祁門人同弟文玠起兵應金聲聲敗文瑾被執  
不屈死之

國朝道光三年

旌祀忠義祠其族人高謨文元亦同死祁門縣志

許文玠字帥五文瑾弟也文瑾被執文玠奔閩投職方司員外  
郎與黃道周艾南英同出師文玠出廣信兵敗被執至南京獄  
中三月不屈死之長子生佳先戰歿

國朝道光三年

旌祀忠義祠祁門縣志

國朝胡承善歛縣人順治三年由壽州牧遷守建昌時閩寇未靖  
規畫守禦郡境全安嗣金聲桓王得仁叛據南昌承善集官吏

盟誓死守僞將金世選過建昌知有備不敢攻而王得仁自贛  
回僞爲大將軍譚仁泰叩城紿承善郊迎執之不屬遂遇害並  
殺其姪爾祉及家屬十餘人事聞授其子爾傑餘干知縣爾銓  
廣昌知縣後建昌士民請祀名宦祠

歙縣志

方杭歙縣人順治三年任福建將樂縣丞山寇薄城杭偕令錢  
楞協力拒守城陷楞合家死難杭率家丁巷戰亦遇害

福建通志

程啟仁歙縣人順治七年李定國復寇廣西仁隨父文遇迎戰  
用梨花火鎗燒死賊都督王之邦仁亦陣亡

歙縣志

鄭之文字正卿休甯人順治己丑武進士官台州遊擊丙申馬  
信反率羣賊攻城之文單騎衝戰卻之丁酉海寇大至之文堅  
守閱月食援俱絕賊斬門入百計誘降之文大罵遂遇害閩門

俱盡節死一統志

江九鼎歙縣人以武舉人官貴州衛守備康熙初從征吳逆數挫賊鋒後以眾寡不敌力戰死歙縣志

江雷黟縣人明季鳳陽逃兵入祁門殺掠及邑界雷率鄉人擊走之順治乙酉宋乞爲亂雷與江惻汪京都等以計殺乞賊黨忿甚雷謂眾曰公等且避我以死當之遂自經於母墓傍乾隆間

旌表建坊祀忠孝祠黟縣志

汪京都黟縣人宋乞旣誅江雷自縊欲潛赴軍門請兵以剿賊黨聞賊窮搜必得己而甘心因慨然恐累及族黨及出遇賊斫以刃究其同謀叱曰殺賊者我也與他人何與遂被害黟縣志

葉萬四黟縣人宋乞之亂潛匿廁所伺乞刺之不中被害邑人



璩像祀之同邑庠生王運午亦以不屈被殺同死者有江完卿

等十二人

影縣志

葉萬生黟縣人順治五年江西土寇王之貞掠黟村人咸匿吳

家鵬萬生潛歸取糧為賊所執脅之以刃繼以火罵不絕口而

死

影縣志

王廷陞婺源人順治己亥逃將李芝率叛卒偪城勒餉傾囊為

邑請命賊貪索無厭乃挺身出諭以大義遂遇害乾隆四年

賜祀忠義祠建坊二十六年奉

旨入京師昭忠祠嘉慶七年

賜恩騎尉世襲以六世孫王文彬承襲

婺源縣志

王祐光婺源人李芝圍城祐光自其鄉糾義赴救芝使賊黨遇之遇而戰殺賊數百人力竭歿於陣賊忿欲裂之屍起而奔芝

大駭遂撤圍遜邑令祀之於社鄉人歲時往祭其墓

婺源縣志

楊鼎成黟縣人客遊滇南吳三桂叛欲脅之助逆不屈而死

黟縣志

汪士嶠歙縣人以商籍入錢塘學康熙十三年閩逆變亂以薦赴軍前隨征劄授同知十四年奉諭招撫直入賊巢賊怒殺之  
雍正六年追

卹殉難諸臣內閣撰擬祭文遣地方官

諭祭製牌送入忠臣廟

御書表揚忠勛扁額

歙縣志

舒芝采黟縣庠生康熙甲寅閩寇由浮梁破祁門長驅至黟邑民避匿山谷芝采遇賊於途劫而脅問匿所芝采叱拒之賊以火燎其身終不屈會官軍至賊遜越日死

黟縣志

汪時欽縣人由府通判隨大將軍溫福征大金川在木果木軍營陷歿蒙

恩廕子以知縣用

歿縣志

戴世佐休甯人錢塘籍由戶部員外升刑部郎中擢思州府知府署大定府乾隆六十年松桃苗變奉委大魚塘總理糧務兼辦田埂坪台站嘉慶元年冬教匪聚小竹山以兵五百禦賊有功二年南籠犛苗作亂督催軍糧觸石舟覆死奏聞奉

硃批實堪憫惜

賞給道銜祀昭忠祠

休甯縣志

張瑛婺源人以禮部掾授葉縣保安驛丞嘉慶二年教匪熾偏其驛掠取驛馬瑛從一林姓僕與之戰殺數賊身受二十餘創與僕俱死奏聞議卹

賜白金一百兩祀昭忠祠以子履謙世襲雲騎尉

婺源縣志兼採戴大昌補餘堂集

項朝槐歙縣人杭州籍由四庫館膳錄署渭南縣丞嘉慶二年奉委解火藥弓箭赴四川軍營旋委帶領鄉勇於安康縣澗池鋪地方堵禦獲勝遇缺以知縣用五月十七日帶領兵勇在漢陰小龍王溝衝進賊陣馬陷泥中歿於陣奏聞奉

硃批可惜著加倍優卹入祀浙省昭忠祠世襲雲騎尉

歙縣志

汪之謨休甯人隨兄鍾祥丞募團練鄉勇駐札石牌嶺禦教匪有功賞給從九品嘉慶三年賊突至力戰眾寡不敵爲所執支解死奏聞

賜卹祀昭忠祠

休甯縣志

汪順樸

四川通志作良

歙縣人元和籍分發四川吏目嘉慶六年委辦

廣屬梁山寺八堡團練七年四月在梁山堡九子山殺賊陣亡

奉

盲人祀昭忠祠世襲雲騎尉

歙縣志

余俊黥縣人以從九品分發福建署順昌縣丞嘉慶十三年赴廈門軍營十四年從水師王提督得祿出黑水洋捕盜遇盜首蔡牽船俊率眾爭登盜擲火罐燒船身被重創猶護提督船歸臥病廈門奏聞以縣丞用竟以傷重而死

賜白金一百兩祀昭忠祠以子承恩世襲雲騎尉

歙縣志

姚國旃歙縣人以諸生知山東曹縣嘉慶十八年逆賊入署一家二十八人皆遇害其戚唐犧匿署後得免為檢其屍葬之

歙縣志以上舊志

重修安徽通志卷二百五

人物志

忠節四

徽州府

程愼思字春林婺源人湖北從九品咸豐二年武昌省城陷全家殉難奉

旨賜卹

婺源縣志以下新修

金雲門字吉予一字菊仙休甯人道光癸未進士署武義知縣務以德教化民補雲和憂歸服闋揀發湖北補天門調崇陽領兵禦鍾人傑之亂解散脅從籌辦善後興學訓俗民情大洽歷黃岡隨州修城垣均糧賦練民團拯水患升荊門直隸州知州併保舉案引

見召對二次授安陸知府防通城復蒲圻署武昌府兼攝糧道護按察司印廣濟民變調黃州撫定之咸豐三年秋賊由金陵上犯黃州僅兵百餘城陷賦詩二章殺賊數人赴井死

贈太僕寺卿祀昭忠祭葬如例世襲雲騎尉同治二年賜諡果毅建專祠妻汪氏女二人以殉烈附祀

休甯縣志

俞恩綸字南屏俞恩毅字瘦珊並婺源人江甯廩生咸豐三年金陵陷閩門投河死恩毅子生彌月絰木未沈遇救得免婺源縣志程占魁字景山黟縣人以武副榜隸撫標拔補千總咸豐三年安慶陷賊撲集賢關占魁衝殺中礮陣亡奉

旨祀祠世襲雲騎尉子世恩襲

黟縣志

李兆奎歙縣武舉安慶營千總調防湖北湖南迭受重傷復隨官軍收復皖省帶兵守小南門粵逆上竄力戰陣亡

恩卹祭葬祀祠世襲雲騎尉歙縣志

王國華歙縣人署沛縣典史咸豐三年檄解軍火赴徐州遇害

歙縣志

詹廣輝詹亦嘉並婺源人在廬州供給巡撫江忠烈軍城陷死

之婺源縣志

汪殿鼐字策六祁門武生江甯城北頭司把總咸豐三年署和

州城守營把總髮逆犯和州城陷合家死之祁門縣志

謝豐昇字子成祁門人兩淮鹽經歷咸豐三年巡守揚州府城

死難世襲雲騎尉子象鏞字笙儔江蘇縣丞同治二年福山陣

亡

贈鑾儀衛經歷銜世襲雲騎尉祁門縣志

余裕祖字似亭休甯人湖北藩經歷署江夏縣丞省城再陷被



害世襲雲騎尉

休甯縣志

戴鴻藻字燧升婺源人湖北從九品咸豐四年帶勇巡防省城

及陷巷戰死之世襲雲騎尉

婺源縣志

金上珍字效川休甯舉人任舒城訓導保舉知縣咸豐四年帶

勇堵賊下七里河舒城陷集眾往剿眾潰被執不屈死世襲雲

騎尉

休甯縣志舒城縣志

黃兆奎歙縣舉人湖北知縣巡守武昌省城殉難祀昭忠祠世

襲雲騎尉

歙縣志

饒本良字子善祁門副貢咸豐初團練丁壯四年帶隊守小西

門城陷被執與子文生際榮同罵賊死之奉

旨卹銀祀昭忠祠建坊

祁門縣志

謝瑩字潤山祁門文生咸豐四年同子載坊姪文輝等一門殉

難又張本培張本崇張本法張本宜張清道等七人狂起雨等

三人並一門殉難均各建專祠坊

初門縣志

汪杰余祥郎筠並婺源人從九銜咸豐五年帶勇禦賊陣亡同死者胡士杰汪汝清等三十四人杰祥俱世襲恩騎尉筠

贈鹽知事銜廕子主簿

婺源縣志兩江忠義錄

鄭大榮字紹先歙縣人候選鹽大使咸豐五年帶團隨官軍剿賊殉難世襲雲騎尉

歙縣志

汪立貴歙縣人六品軍功從九銜咸豐五年檄援休甯首先衝

鋒死之

歙縣志

方建國章名輝並績溪人咸豐五年帶練援夥戰羊棧嶺與高

洪度程元寶等二十五人均陣亡

績溪縣志

孫日萱字春叔休甯人道光丙戌進士授編修歷官鴻臚寺卿

緣事褫職咸豐初起復原官以目疾歸時粵逆蔓延日晝儲穀募勇爲守禦計五年二月賊由黟縣大至練勇潰日晝受重傷與監生潘昌椿項凌霄武生夏鼎死之

恩卹祭葬世襲雲騎尉

休甯縣志

楊大容字心畬休甯人道光甲辰進士用知縣改太平府教授告歸先是籌辦海疆經費得

旨嘉獎及是粵逆竄踞浮梁大容議助祁門軍餉協剿以固外防集勇分扼各嶺咸豐五年二月賊撲縣城大容率勇拒戰眾潰死之

恩卹祭葬世襲雲騎尉是年監生程仁釗及鄉勇張祥等六人均禦賊

死

休甯縣志

胡浚字深如黟縣諸生咸豐五年黟陷賊劫浚去浚怒罵且曰我

潘麟帶勇禦賊銀鞍嶺均死之俱世襲雲騎尉又監生吳山在樟樹亭董培桂齊彥璞董培仁在高枧渡武生吳平泰在石硤武生卽南桂軍功汪富程令喜在孔村庠生汪南圭監生汪鳳泉在裔村從九李振煌在松山王讓德在源阮俞觀榮俞祥祿胡大順汪社驥在新嶺汪賢發潘德祖在雙溪口從九俞萬煌在雙槎胡鳳桂在江家橋俱帶勇禦賊陣亡平鼻嶺之役余元亨及余元保余益富等二十六人銀鞍嶺之役監生程淦潘光裕潘廷珪潘開熾江勝祥及程汾潘仲怡等二百四十七人高枧渡之役汪祥勝等百三十五人石硤之役張順祥等十六人孔村之役戴三喜等八十人源阮之役王肇翔等五十人皆從

死

婺源縣志

洪宜禮婺源人從九銜咸豐七年會同官軍剿賊婺城陣亡世

襲雲騎尉同死者軍功俞松林施斗施奇壽暨洪亮華等六十  
九人又汪文涵金殿輝等四十三人戰於曹門皆死是年庠生  
王昌寅程藜照從九品俞隆榛及韓榮豹方興堂等均集勇禦  
賊死軍功蔡天福俞汝煌以義勇戰死董文登王兆悅胡年富  
等十二人在清華街夏瑞凱等三人在郭村均隨官軍剿賊陣

亡

婺源縣志

王濟和祁門人六品軍功同姪八品軍功帶團殺賊陣亡又康  
詒康成書金鳴鳳金長春金可光鄭正典俱八品軍功督團禦

賊陣亡

祁門縣志

舒夢祥黟縣人從汀漳龍道徐榮復建德給六品軍功累保都

司守烏泥關陣亡入祀昭忠祠

黟縣志

汪應臺字列三休甯庠生咸豐七年夏同從九品汪文彬及李

作鏞等率勇拒賊桐梓嶺斬殺多名力竭均死應臺

恩卹

葬銀文彬廕子雲騎尉又監生朱鼎榮朱志駿亦於是年帶勇禦

賊迴嶺殉難

休甯縣志

韓福彪黟縣人咸豐七年同汪緒前楊修來楊紹唐章道生柯功烈儲龍法等約集徽人自成一隊禦髮賊於湖田力戰陣亡

潛山縣志

胡顏春字禦雲婺源監生咸豐八年帶勇隨官軍攻城乘勝深入死之世襲雲騎尉是年監生王丙照在曉秋口戴榮鍾同監生戴煥光等一百九人在羊嶺程太程順德等十二人在西阮嶺王百全同軍功查時發俞國正等二十一人在高砂武生王兆武在隘口潘春秀李根蟠張們王彝倫在黃家尖李滋裕李贊襄在龍山吳一清在洙坦王根富等十八人在理田軍功俞

觀元在船槽嶺俱陣亡

婺源縣志

林端秀字開科黟縣人從朱雲書在皖南鎮營剿婺源等處給

六品軍功咸豐八年崇覺寺陣亡照行伍議卹

黟縣志

康濟寬字和猛從九品康大麟字汝玉貢生俱祁門人白咸豐

五年團練帶勇擒斬髮賊屢立戰功九年二月轉戰到湖等處

力竭陣亡邑人悼惜之呈請

旌卹

祁門縣志

朱秋九朱金龍俱黟縣人咸豐九年在景德鎮集團助剿陣亡

又程永櫟亦於是年在浮梁打仗陣亡

黟縣志

周懋順績溪人咸豐九年同族弟懋春集勇禦賊死

兩江忠義錄

余步瀛字海門黟縣武舉署池州營千總累保守備咸豐十年

從周天受剿賊甯國府率子金祿突圍殺賊同死於陣

黟縣志

宋夢蘭字滋九歙縣人咸豐癸丑進士授編修以憂歸時張芾治兵徽郡郡人染花鎧蠱之害夢蘭設立條約請張芾立除之咸豐十年春固守箚嶺賊不能進以功升侍講隨奉

命督辦團練十一年二月率練克休甯進規府城受傷卒

贈四品卿銜祀昭忠祠世襲雲騎尉兄修培姪維清禮鐸並先後殉難

歙縣志

程葆字震伯歙縣人道光癸巳進士由工部郎中授廣東肇慶知府畱辦浙防咸豐五年夏克復休甯升道遂畱徽防與張芾共事屢著戰功十年春浙撫羅遵殿調商軍務城陷自縊妻夏女淑儀姪士鑑均死之

恩卹祭葬祀昭忠祠世襲雲騎尉

歙縣志

方允鑲字印生歙縣人道光庚子進士刑科給事中憂歸府城



陷絕食殉難

贈太僕寺卿蔭子以知縣用又舉人黃學洙聞警亦絕粒死

歙縣志

鮑鍾銓歙縣舉人候選知縣咸豐十年帶勇隨官軍禦賊陣亡同時死事者附生鮑明璆等十四人

贈鍾銓知府銜明璆鹽知事銜俱廕子入監又是年督團擊賊死者鹽知事銜汪士熙理問銜汪士勲汪士然訓導汪遇壩兵馬司指揮銜程定生主簿程廷璧從九品吳承謙俱世襲雲騎尉鹽知事銜汪景卿

贈布政司都事廕子入監太常寺博士程枚功世襲雲騎尉訓導洪世城縣丞洪振鐸俱蒙

旌卹自鮑鍾銓以下家屬多同殉難

歙縣志

鮑鍾杰歙縣人六品武生隨官軍祁門單騎入壘擒斬五賊咸

豐十年在籍擊賊被害

歙縣志

江同文歙縣人候選訓導同姪學暉等刺賊被害母鄭暨家屬七人俱殉之

贈國子監學錄銜廕子入監

歙縣志

許士治歙縣人八品銜賊至闔門殉難世襲雲騎尉又郎中銜庠生許疇庠生姜英附貢生仰元同知銜潘遵燮瀘溪縣丞許黼從九品不晉基及宋灶林程仁鈞程學秋梅魁儒江寶華洪立詰黃大猷謝光鑑謝光治俱一門殉難

歙縣志 兩江忠義錄

洪徽歙縣人從九品帶勇駐防黃山咸豐十年禦賊力竭死

歙縣志

方正欵縣監生團練擊賊首先衝鋒陣亡又布理問吳廣杓干總吳保泰五品王成植外委程林安主簿金振聲程東璧未入

金蘭議敘八品程樹錦待詔銜吳景茂副貢胡道暄州同銜汪  
原璣訓導汪霖胡永治吳廣球縣丞汪廷琪巡檢胡尙慶從九  
朱慶煌葉裕兆程昌洛吳鴻鎔汪深汪彥福朱松年王家修葉  
滋藝鮑嘉翕鮑嘉孚鮑會山黃滋蓉葉士隄宋郁麟文生洪桂  
芬吳疆監生江福日胡學鑑胡國幹胡國樑胡國仕吳釗宋學  
銜王大觀均禦賊殉難世襲雲騎尉從九品方汝源方梓庭方  
梓萱方梓蕃江敦崇庠生江敦彥均禦賊殉難

贈鹽知事銜廕子入監又從九品宋裕彬貢生汪慶雲庠生汪振運徐  
學芬汪立禮胡秉恭葉炳均遇賊傷亡廕襲雲騎尉又庠生吳  
廷璣同吳邦傑吳允亨均戰死

贈武略騎尉八品軍功蔣啟道同蔣兆美蔣光銑蔣光城蔣長旺戴春  
林戴妙程花閔程財喜程朗均戰死

贈奮武校尉

歙縣志

項增榮歙縣監生咸豐十年率眾堵賊長陔嶺被刺死同時幫辦團練馮存銓亦力戰死之

歙縣志

吳庭璋歙縣人按經歷咸豐十年蘇州禦賊陣亡於同治九年

卹銀兩世襲雲騎尉

江蘇奏案

吳嘉鸞歙縣人從九品寄居吳江咸豐十年率鄉民禦賊陣亡

卹銀兩世襲雲騎尉

江蘇奏案

黃文傑休甯人從九品咸豐十年蘇州陣亡於同治九年

卹銀兩世襲雲騎尉

江蘇奏案

章培錦績溪人咸豐十年同子鍾楷鍾溢鍾璿姪鍾熾督團禦賊均陣亡於同治九年

旌卹如例

順天府奏案

汪鈞黜縣人從九品咸豐十年杭州禦賊殉難於同治七年

旌卹世襲雲騎尉

浙江  
奏案

葉福生字鼎梅休甯人浙江縣丞咸豐十年賊偏杭城福生巡防候潮門先以子屬其友誓與城共存亡及陷殉難

贈鑾儀衛經歷銜世襲雲騎尉是年前杭州府經歷程福林守湧金門

同知朱十楨在富陽皆殉難從九品金達任從官軍援浙陣亡

並休甯人

休甯  
縣志

程永祥字雲書舉人知縣黃壽基字靜巖程國俊字彥夫並州同銜俱休甯人咸豐十年帶團剿賊陣亡均世襲雲騎尉同時有候選教諭吳開甲自軍興以來練團勸捐轉運軍糧守隘殺賊迭著勞績是年冬守儒村卡被圍糧盡援絕賦詩四章飲藥死

恩給葬祭祀昭忠世襲雲騎尉

休甯縣志

汪念祖字聿修休甯人郎中知府銜嘗捐鉅金助餉并充試卷費獨建節孝總坊義舉甚多咸豐十年築卡大旱瀛同子員外郎銜如岡姪知府嘉誥督團擊賊力竭均死一家十九人殉難同治四年奉

旨建專祠專坊念祖如岡嘉誥俱世襲雲騎尉同時同知銜汪志邦字綏萬亦捐二萬餘金助餉同汪念祖辦團請兵祁門遇賊被害奉

旨附祀汪念祖祠世襲雲騎尉

休甯縣志

張鳳詔字贊卿俞芳澤字荔夫汪慶雲字秉中並休甯附貢生咸豐十年同八品李其濟帶團拒賊被害鳳詔芳澤其濟均

贈布政司都事銜廕子入監慶雲世襲雲騎尉

休甯縣志

吳孝禮吳孝琳並休甯人從九銜咸豐十年辦團同在籍山東屯田官吳廷詠候選郎中孫殿齡縣丞汪振翎拒賊殉難均世襲雲騎尉殿齡母妻子婦同時殉烈又州同銜汪原基知縣汪祚照附生汪世純監生汪原璜程志宗八品吳學潛黃書甲及黃廷玠汪振運俱辦團擊賊遇害

休甯縣志  
兩江忠義錄

方濬泰休甯人定遠籍附貢生保知縣署丹陽事成豐十年城陷殉難

休甯縣志

王友端字月川婺源人道光丁未進士戶部主事建海運策浚升郎中隨侍郎羅惇衍察辦通濟庫虧帑獄無波累授浙江糧道署布政使時粵寇環浙友端議扼防廣德不果行咸豐十年賊由廣德犯杭州省城陷友端巷戰重傷死

卹祭葬諡貞介世襲騎都尉恩騎尉罔替

婺源縣志

詹文鑑字寶三婺源人從九銜咸豐十年同監生詹澧詹瑞團董程光堂等帶勇戰於鳳騰殺傷無算賊大至退保浙嶺與詹杏來等百六十九人同歿於陣文鑑世襲雲騎尉是年候選鑄印局大使程金芳及其子從九程永燮監生程永漢及其子程振檀暨監生程金喜程永潤等二十六人防堵曉秋嶺江大奎隨剿三浯嶺汪昭倬汪心正汪鍾靈府知事銜汪昭佑防剿西阮吳瑞薈吳瑞菲汪文珪議敘八品朱培濂庠生鄭培光監生朱光練宋宗葉從九周福興軍功朱聯五程鴻吉各結團禦賊

陣亡

婺源縣志  
兩江忠義錄

謝玉珂祁門人藍翎軍功五品咸豐十年泗安陣亡又營兵汪士元譚勝發汪德成謝廷標湯炳銓並援浙陣亡胡上清王光廷並建德陣亡卡勇康春貴胡女並倒湖陣亡弓兵謝良年大



洪嶺陣亡

祁門縣志

汪燦誠字經仁黟縣人咸豐中以禦賊功授六品從參將吳修攷平石埭加五品十年從援湖州戰於同心橋並死之是年黟汛馬兵胡榮貴援浙陣亡

黟縣志

胡尙慶字紹餘黟縣候選巡檢孝友多義行咸豐十年在休甯小阜營結團禦賊二十餘日與其甥從九品汪慶華力戰死之均世襲雲騎尉

黟縣志

胡諒字愛棠績溪人捐資助餉募勇倡團咸豐十年楊桃嶺剿賊陣亡世襲雲騎尉同時死事者生員胡熙績汪文藻石祖建石上章監生胡懋勳周承高石琪均蒙

恩卹

績溪縣志

胡詠芬績溪人府庠生咸豐十年督團禦賊和尙嶺被執不屈

旌

績溪  
縣志

死縣庠生江灃江樹勳父子從九胡名杭並禦賊被害均世襲  
雲騎尉又附貢周錫泰附生黃道胡念陳監生周雲章並辦團  
擊賊陣亡績溪縣志  
程秉震字聲遠績溪人從九品咸豐十年結寨龍鬚山殺賊陣  
亡一門四人并殉難世襲雲騎尉又增生曹苑蜚童生石承萬  
亦督團剿賊死事蒙

汪震甲績溪文生咸豐十年賊至一門二十五口殉難又貢生  
胡定穀監生程翥王德超方廣瀚程庭植民人鄭官舅張厚純  
張厚順張厚大程士釗程應起程士法程天元汪爲烈程定槐  
程彬程士華胡定福胡德正胡之松胡秉益胡裕全汪瑞元汪  
學旺汪茂林汪高有汪灶有章社正章爲春章如春章兆慶章

景茂章士煥周汝儼張宗修方宏德方茂林方洪球吳社妹馮

社女高富金戴社壽黃永芳黃壽福余庭鏡唐觀福唐彩雲唐

應宮唐廣有葛元海葉大灶葉福定並先後闔門殉難

續溪縣志

江忠義錄

胡維崧字松山績溪庠生成豐十年二月績溪陷知縣王峻襄

創力戰維崧集團從之克復城池給六品翎頂擊賊龍朝灣調

防十里巖督團堵叢山關皆有功秋八月賊分股繞陷樓下村

諸堡偏關援巖而進維崧腹背受敵力竭陣亡從死者數百人

續溪縣志

胡紹煥字藥汀績溪舉人太和縣訓導捐修學宮振興書院咸

豐初同知縣馬新貽團練守城禦捻匪有功告歸十年夏督團

禦賊陣亡世襲雲騎尉著有文選箋證三十二卷

續溪縣志庚申忠義錄

胡發浩字佐庭績溪人築堡龍鬚山拒賊屢勝會大雪糧盡堡

破與同族胡定榮等十六人遇害祀昭忠祠

績溪縣志

唐文字汝爲績溪庠生咸豐十年率子學謨學煥學欽學榮帶

勇守樓下堡堡破均死之文妻胡氏亦殉難是年胡位棟守鞏

嶺章必銓援楊溪監生程康結寨烏樸舉人唐績熙同知銜唐

煜練長馮懌和馮懌灝馮成泰助守府城俱陣亡

績溪縣志

汪錫煜字燦章績溪人從九品在孔靈村督團剿賊被執不屈

與子社福社貴俱死又監生胡祥樑童生汪啟妹督團攻賊旌

德與汪秉綱等二十五人俱死之

績溪縣志

汪澤字手存績溪歲貢耿介精古文尤長考據咸豐十年績溪

城陷澤端坐同姪爲淵罵賊遇害

贈布政司知事銜蔭子入監澤著有字說解義八卷竹莊詩文集二十

四卷經解十二卷讀書記四卷義壁經義四卷登原題詠四卷

績溪縣志

胡榮銓績溪人咸豐十年助守廣德州城陣亡是年監生汪筠

字竹溪同子名鑾名鑒在休甯之屯鎮禦賊均死之

庚申忠義錄

汪琢字右成汪湛恩字東亭俱績溪庠生汪燦章鴻禧俱績溪

監生咸豐十年同從九汪揚慶汪揚葵戰歿又程兆槐許士烈

章忠謨丁貽準胡晉鴻洪家續洪貞進黃兆薰王時珍陳煥承

陳書承章定澤均於是年陣亡

庚申忠義錄

程德榮績溪人八品銜咸豐十年率勇禦賊追殺至旌德白沙

村陷陣死先是練勇程具林等獲賊探六人又追殺馬步賊六

人後賊大至具林等力戰死之是年從九程秉震在龍鬚山汪

啟松在楊溪及胡福順胡文詠吳百福吳開茂均以率勇禦賊

陣亡監生胡潤戰敗嘔血死

兩江忠義錄

汪廷縉歛縣舉人知州銜同和州訓導吳文樞訓導吳錫我歲貢鮑應森增貢羅致庠生徐郁文黃灃程崧葉溶監生葉士浚王學伊程立德巴錫球蔣高溥程宗純羅德樹縣丞謝恩仗軍功汪良訓胡正鈴胡隆初汪文輅程鏡湖胡新德胡德新胡玉苟程桂孫程雲五鮑鍾蒞謝老入謝士鐸張善勳從九朱慶桂汪立楨胡學澤汪法道項金誥王光鑑千總鮑承慶暨宋紹鍾周錫經程灶林程勝福汪旭東汪百慶汪時淮汪秋壽王明我吳世祺程重彝程得慶程士坤程春貴鮑君林胡傳璜洪忠有汪和裕程肇松謝明奎謝德徵謝明恆謝仙鳳謝積功謝法寶謝佛泰葉至高葉志萬胡學詔胡學諍吳兆景梅茂堂梅聖貴程正庭程正洪鄭秋法鮑金桂等先後督練擊賊皆死之又監

生凌葬勳及汪元變汪元奐均以辦團死難

歙縣志

吳翔麟歙縣附貢生官吳縣丞咸豐十年督勇禦賊受創死

歙縣志

鮑鄂銑縣人候選布理問在江蘇巡撫徐有壬幕罵賊被害  
又舉人吳昌照在浙罵賊死均世襲雲騎尉從九品許心存亦  
在浙殉難

贈鹽知事銜

歙縣志

潘俊歙縣舉人嘗集團禦賊歙南賴以安堵赴霍山訓導任遇  
賊被害

歙縣志

程國賢歙縣舉人浙江龍泉知縣以德化民咸豐十一年調防  
杭州城陷死之妻汪氏自縊以殉祀昭忠祠世襲雲騎尉

歙縣志

程守恭歙縣人鹽運判在浙團練助防省城咸豐十一年城陷

同子監生鶴齡巷戰陣亡於同治六年

恩

卹銀兩建坊入祠世襲雲騎尉又程發賀喜汪昌並於是年杭城陣

亡准入祠坊

浙江奏案

葉德生歙縣人署浙江石門縣典史咸豐十一年城陷投河死之同治七年

贈鹽知事銜廕子入監

浙江奏案

金笏金章金芸俱歙縣諸生咸豐十一年率勇禦賊嚴鎮眾潰章與芸力戰被害笏受傷走民房自縊是年黃德鏞柯福壽諸生陳修業同子諸生惠及程啟耀俱率眾禦賊陣亡德鏞子本淦本鴻救父遇害

浙江忠義錄

張光亨休甯人咸豐十一年浙江省城禦賊陣亡奉

旨建坊入祠

浙江奏案



朱壽護字芭孫浙江商籍附貢候選郎中張懷清字菊圃州同銜並休甯人咸豐十一年杭城陷俱以督戰受傷死均世襲雲

騎尉

休甯縣志

余熙黉縣人候選從九品以團防功給六品頂戴咸豐十一年陣亡世襲雲騎尉

黉縣志

汪熙欸縣庠生籌辦團防動合機宜咸豐十一年城陷偕子遇害又葉四保從九汪明序俱團練禦賊死

歙縣志

孫錫封字孟侯黉縣人從九品自團練以來矢志殺賊爲諸團先咸豐十一年陷伏力戰重創死

恩

卹祠祭世襲雲騎尉子美湘襲

黉縣志

余瑞祥字廷瑞黉縣人湖南縣丞在籍防堵從余兆元等復祁門以功給六品頂戴調赴徽防咸豐十一年五月援黉陣亡

黉縣志

志

方發達王樣發俱黟縣人咸豐十一年集勇剿賊驚夢嶺力竭

陣亡又余金秀會剿藍田賊巢馬陷泥淖中被創死

黟縣志

李春華李嘉錚俱黟縣人從九品迭次帶團殺賊咸豐十一年

禦賊方干嶺陣亡均世襲雲騎尉春華

贈鹽知事銜

黟縣志

程松林黟縣人咸豐十一年漳嶺之戰陣亡闔門七人殉難是

年江灶託灶旺兄弟陣亡湯肇斌江國近俱闔門殉難

黟縣志

朱起福黟縣人咸豐十一年集團隨官軍復長興攻城陣亡照

行伍議卹

黟縣志

胡嗣通績溪人在浙辦團給五品翎頂咸豐十一年回籍募勇

擊賊嚴州與胡文田等二十三人並陣亡

績溪縣志

張傳茂字有椿績溪人咸豐十一年在浙助餉辦團檄守杭城鳳山門保五品銜城陷巷戰死

贈道銜蔭子入監同時殉難者五品銜章正壽及章正利章正鐔章志

堅績溪縣志

按由五品銜贈道銜疑誤

汪廷琪休甯人候選縣丞咸豐十一年四月同監生汪士潤汪輔廷等攻賊於富昨殺傷數十名士潤輔廷戰歿鄉勇李順財等三十三人陣亡廷琪被執不屈死世襲雲騎尉是年春揀選知縣邵孝本從九詹世松並禦賊死均世襲雲騎尉鄉勇張文魁等二十一人守扶車嶺孫麒麟等九人在陽臺程品等三人在旗帶嶺皆陣亡

休甯縣志

孫旺林休甯人咸豐十一年率里人詹起松等守隘禦賊追殺

至五城陣亡

休甯縣志

胡必兆休甯人同弟必翔奉母避難遇賊一門死之又文生汪

聯芳監生項崑璧姚萬鄰施個程文彬許肇甫王榮治陳再起

俱一門殉難

休甯縣志

李承謀婺源人武康縣典史咸豐十一年檄赴湖州及城陷殉

難

婺源縣志

胡晨字五峯婺源人儋州薄沙司巡檢隨剿黎匪中礮死祀昭

忠祠世襲雲騎尉

婺源縣志

洪志鄣婺源貢生成豐十一年在大橋段陣亡世襲雲騎尉是

役也洪志蟠洪志枝等十九人皆死是年從九洪祥怡在汪家

嶺從九程大銓在黃瓜嶺軍功俞勝來在清華監生葉杰在曉

川八品銜程鼎從九俞煥林王有章監生俞允修俞經年章輔

何廷瑞何炳耀胡廷煦鄉飲賓程大榮在西鄉武生吳廷標在

吳源監生游鳴琦游太助從九游雄輝在東鄉及從九程鐸程振邦曹亦煥程美銓監生汪日華武生程劍南暨程大翊程大燭俱率眾禦賊陣亡

婺源縣志  
兩江忠義錄

王超福施寶婺源人俱從九銜咸豐十一年率團禦賊於裡林於新義社陣亡均世襲雲騎尉

婺源縣志

劉世美祁門人寄居高淳縣相圩咸豐十一年率練拒賊圩破

被害

兩江忠義錄

汪廷美黟縣人縣丞隨父正準率飛虎勇復分宜城運糧遇賊陣亡

黟縣志

王麟海績溪人從吳定州帶安勇積功保守備咸豐十一年板橋防剿陣亡世襲雲騎尉同死者貢生汪清廩貢汪光潤議敘九品胡瑞豐文生胡裕成胡裕綸張清武生汪鳳城汪廷柱汪

錦標汪清標監生汪士偉從九胡璧玉等凡二十八人

續溪縣志

章成綯字素菴胡國賓字敬菴程渠字昉白程效字復先俱績溪庠生咸豐十一年集團禦賊歙東同貢生胡守正附生胡開泰胡大椿從九陳德輿章世慶程步瀛周沛芝並殉難均世襲雲騎尉章成綯之叔志炎叔母胡氏皆死陳德輿一門三十九人章世慶一門六人胡開泰胡大椿一門三人並死之是年文生石應星在旺山文童張傳郁在外靠嶺胡洪澤在王家村章廷晉在石井及胡道浚胡隆珍胡隆濤胡學銓胡學毓胡福林胡長材均率眾拒賊陣亡

續溪縣志  
兩江忠義錄

程交慶績溪人咸豐十一年率團擊賊斃七人賊退會有汪錫田汪茂吉者引賊復入交慶率團丁擊退并獲茂吉殺之賊眾至不敵鏖戰死是年陳定榮程俊川諸生方德元八品胡韜俱

率眾禦賊被害陳氏殉難三十九人

兩江忠義錄

吳受甫歙縣人浙江永嘉籍從九品同治元年在烏牛率勇剿

賊陣亡

恩卹銀兩建坊入祠世襲雲騎尉

浙江奏案

蔣嘉煒歙縣舉人以團練功保知州同治元年戰歿子龍賓及

親族十三人皆從死妾梅氏投水死

歙縣志

葉桂藩歙縣人吳縣商籍以剿辦潮匪功保同知銜同歙率子

庠生鈞駐防山險保衛鄉里同治元年督勇隨官軍剿賊績溪

卒六品軍功李年福隨桂藩禦賊戰死

歙縣志

張文翰歙縣人候選州同同訓導宋翊昌程守敏布經許士潛

縣丞許永升吳茂芹典籍程立鼃五品銜吳錫聰六品銜吳錫

謙運同銜胡光炤軍功程文穀葉裕謨葉熙裕葉熙尊黃宏澤

從九謝邦柱謝成偉宋錫均程良佑黃元泰吳茂釗吳正校吳  
象升方永裕王應圻曹大冕吳世謨黃嘉謨余恆武葉裕泉葉  
裕基江永鳳徐述祖徐澤機謝成保吳正傑廩生洪恩受增生  
朱箴朱兆蕙鮑澧附生鄭同庚程克誠唐嗣昌洪應槐朱鑾巴  
繩祖胡國榮監生汪文寶汪廣俊汪承煦孫尙貴何永裕鮑存  
新黃元達王明增潘嘉齡吳善珍項萼黃立仁江敦偉謝成儀  
外委關必興俱禦賊殉難

旌卹祠坊

歙縣志

黃樹球字東序黟縣諸生同治元年督團接仗陣亡廕雲騎尉  
又從九銜方英棠亦於是年陣亡世襲雲騎尉

黟縣志

汪鳳翔黟縣人從鮑超剿賊江西累功給六品同治元年從剿  
甯國寒亭之役陣亡

黟縣志



邵輔字清齋績溪舉人任葭州知州徧覽形勢辦團練境內肅然調隴州上關中防守十策同治元年督團擣回匪賊巢擒斬四千餘名以知府補用是年冬赤延鎮堵剿同從姪懋功陣亡奉

旨優卹建立專祠懋功附祀

績溪縣志

章樹勳字德宏績溪人先是咸豐十年縣城陷與監生章炳輝率團接戰賊敗追擊之炳輝死焉樹勳退駐深谷夜火攻之賊驚遯同治元年賊又犯境樹勳手刃數人力竭陣亡世襲雲騎尉同時章松樹等十二人並殉難

績溪縣志

周國棟字子惠績溪監生倡團練守人面石同治元年同從九周作楫率周兆基等殺賊三百餘名擒偽天安偽天義二年擊賊大石門及十三都均大勝進擊石紋橋均陷伏死兆基及練

長邵社輝耿金柱等三十五人陣亡是年庠生曹鴻藻監生石紹宗童生石堅亦督團擊賊陣亡俱蒙

旌卹

續溪縣志  
兩江忠義錄

章琪字薪谷績溪庠生同治元年率團堵賊叢山關遇害世襲雪騎尉是年張彩築砦上橫巖賊屢卻乘大雪潛入彩與方德新方九福程觀正張灶煥力敵死之汪四海周承泗並以巷戰陣亡

續溪縣志

邵作楫邵運華俱績溪人從九品同治二年督團剿賊陣亡均贈五品銜世襲雪騎尉

續溪縣志

曹恩績溪附生咸豐間辦團同治二年同從九品曹鴻疇監生曹鴻漸勇目曹興裕曹益謙曹流謙程錫恩曹興茂曹功顏曹沛霖程元壽俱陣亡於同治十一年

旌卹祠坊

黃鉅案

周恩績溪人從九品咸豐間倡團練防遙遙嶺同治二年賊踞

霞水村恩率子陞姪承杰等劫賊寨同被害

績溪縣志

舒五慶績溪人寄居歙縣自募百餘人屢擊賊後被圍死之

歙縣志

志

汪兆利字用賓祁門貢生刲股愈母病以辦礪功保訓導同治

二年同文生許康林帶團禦賊陣亡均廕雲騎尉又縣丞許咸

熙從九品謝純源陣亡均世襲雲騎尉

祁門縣志

方茂林字翰臣黟縣人捐職州同同治二年督團禦賊眾潰被

執死

恩卹祭葬世襲雲騎尉子鈺襲

黟縣志

李麟書字永清黟縣諸生治易精壬式軍興占寇警皆驗同治

旌祠坊

黟縣志

二年正月自占先凶再吉歎曰凶兵死吉成仁也二月當驗至期賊掠山谷麟曹率子翰榜孫采芹俱力鬪死蒙

江成魁字星一黟縣人從九品同治二年禦賊漳嶺戰死祀祠建坊是年鄭柏廷與謝林等在休甯高橋打仗殺賊二十一級力竭俱陣亡

黟縣志

舒紹華字克繩黟縣人未入流端謹好義同治二年南屏之戰陣亡世襲雲騎尉子祖儀襲是年從九品孫朝儀汪端甫並陣亡均世襲雲騎尉

黟縣志

江錫銓字鼎臣黟縣文生敦樸自好先於咸豐五年東山之戰手斬髮逆多名同治二年復禦大股悍逆陣亡又歲貢胡大綱字建如文生汪家駟汪啟昆余芳亦於是年俱陣亡均廕雲騎

尉 縣志

唐新貴縣人同治二年率團守羅嶺與軍功朱光貽等一百九人俱陣亡

旌卹 縣志

吳郁文字景周縣人名醫吳百祥之孫父毓春兄培基並死於寇郁文同治二年殉難母妻子孫十一人闔門從死是年縣監生江良知一門九人程學培父子兄弟八人暨邵賢祥徐觀老舒灶有吳鴻臣葉福壽范裕培林學善汪長慶湯炳東汪士源潘章福江昌齡程觀書汪正道邵灶大汪灶祥汪立道胡連洪汪灶成胡灶維汪灶海胡廷賢汪必根朱榮熈子福泰程增華江灶發湯天水鄭思忠韓家九孫式姚黃新烈查觀益查嘉言汪國高並闔門殉難

縣志

汪人琨從九品吳夢熊貢生吳庭煥廩生吳耀龍附生俱休甯

人辦團剿賊陣亡人琨世襲雲騎尉庭煥等均應雲騎尉順天奏案

余贊字縵廷休甯人杭州商籍附生同治二年在休甯洽舍殺

賊被戕應雲騎尉浙江奏案 庶吉士余鄒呈略

汪金慶祁門人同治二年率眾擊賊小江村陣亡祁門縣志

汪聚元婺源人同治三年督守廻嶺陣亡婺源縣志

程啟燦字式如黟縣人州同銜素行端謹同治三年屯溪陣亡

世襲雲騎尉子士松襲黟縣志

方思侯婺源人充浮梁鄉勇剿賊景德鎮陣亡婺源縣志

胡尙乘字蓮帆黟縣人從九品同治三年敗寇自閩竄江西尙

乘集團禦於鉛山力竭死是年程宏埔文生俞懋勤並在江西

陣亡黟縣志

滕榮婺源人宋村渡夫有賊數十人喚渡榮載至中流覆之同

溺死

婺源縣志

胡大本婺源監生同治六年在江蘇山陽帶勇剿捻陣亡

婺源縣志

張有才歙縣人部司陝甘剿賊陣亡於同治十一年

贈游擊

銜世襲雲騎尉

左宗棠奏案

方漢光歙縣人從九品同從九品方百壽方長祿民人胡廷佐

胡世純胡世嘉胡德增胡德坤胡德標胡德隆方佩汪麒麟汪

端甫吳稼成吳瑞喜俱禦賊陣亡於同治十一年

旌卹祠坊

黃鉉奏案

洪蓀歙縣人浙江從九品署安溪務大使罵賊被戕妻張氏弟

承楓妻曹氏承杓妻殷氏子大信二信女大姑同殉難

浙江奏案

胡鴻緒休甯人從九品禦賊陣亡於同治十一年

旌卹祠坊

黃鉉奏案